



# I N D E X S C H O L A R U M

I N

UNIVERSITATE LITTERARIA FRIDERICIANA  
HALENSI CUM VITEBERGENSI

C O N S O C I A T A

P E R A E S T A T E M

A N N I c l o l o c c c X X X V I 1836

I N D E A D I E X X V A P R I L I S U S Q U E A D D I E M X V I I S E P T E M B R I S

P U B L I C E P R I V A T I M Q U E

H A B E N D A R U M.

*Müller*  
Inest ~~MEIBER~~ commentatio prima de Andocidis quae vulgò fertur contra Alcibiadem oratione.

---

H A L A E,  
T Y P I S H E N D E L I A N I S.

UNITED STATES DEPARTMENT OF JUSTICE

INVESTIGATION

LOANES TRADING COMPANY, INC.

DIRECTOR OF FBI

TO :

SAC, NEW YORK

Re: LOANES TRADING COMPANY, INC. (NY 100-100000)  
New York letter to Bureau dated 10/1/41.  
Enclosed for the Bureau are two copies of a letterhead memorandum (LHM) dated and captioned as above.  
The LHM contains information received from the New York Office regarding the activities of the LOANES TRADING COMPANY, INC. and its subsidiaries, and the names of the individuals who are associated with the company.  
The LHM also contains information regarding the company's financial statements and its operations.  
The LHM is being furnished to the Bureau for its information and for its use in the investigation of the activities of the LOANES TRADING COMPANY, INC. and its subsidiaries.

Very truly yours,  
J. Edgar Hoover  
Director

---

UNIVERSITATIS FRIDERICIANAE  
P R O R E C T O R  
IOANNES FREDERICUS GODOFREDUS EISELEN  
C U M  
DIRECTORE ET SENATU  
S. D.  
C I V I B U S S U I S.

---

Contra Alcibiadem orationem videri et ad Andocidem male referri et sophisticae artis scitamentum esse ingenii ostentandi vel stili exercendi caussa compositum, id nos accuratius demonstratum ituros cum nuper<sup>1)</sup> promiserimus, promissis ita nunc stare in animum induximus, ut quaestionem ab avorum inde memoria non minima doctorum hominum contentione agitatam quasi de integro in examen vocemus. Nam postquam primum *Taylorus*<sup>2)</sup> „exultante“, ut ipse gloriatur, „crisi“ eam orationem non ad Andocidem pertinere sed ab Phaeace conscriptam esse conatus est evincere, statim quidem *Tib. Hemsterhusius*<sup>3)</sup> in eius discessit sententiam et *Ioannes Piersonus*<sup>4)</sup> quibus ille usus esset argumentis, ea minime contemnenda dixit; aliquot autem annis interiectis exorti sunt summi viri *Ruhnkenius* et *Valckenarius*, quorum ille in historia critica oratorum Graecorum<sup>5)</sup> hic in adversariis, quorum particulam *Sluiterus*<sup>6)</sup> publici iuris fecit, refutatis argumentis aliquot, quibus aut minus ad persuadendum idoneis aut plane falsis *Taylorus* erat usus, Andocidi ereptam orationem denuo vindicarent, atque ea lis vindiciarum ita illis duumviris successit, ut, qui postea Andocidis orationes singulari industria tractaret, *Sluiterus*<sup>7)</sup> negaret „post *Ruhnkenii* egregiam disputationem esse qui dubitaret, quin germana esset Andocidis oratio“. Dubitare tamen ausi sunt *Athanas. Augerius*<sup>8)</sup>, dein ipse huius commentationis auctor in eo libro<sup>9)</sup>, quem adolescentulus de bonis damnatorum scripsit, tum *Wachsmuthius*<sup>10)</sup>, denique is qui laudabile studium in oratorum Atticorum monumentis explicandis et vir posuit et senex pergit ponere, *Albertus Gerardus Beckerus*<sup>11)</sup>. Neque vero dubitationibus conficitur res, praesertim cum non tantum *Droysenus*<sup>12)</sup> in eleganti commentatione, quam de *Hermocopidis* nuperrime scripsit, sibi eam orationem germanam Andocidis videri et professus et probare conatus sit, sed etiam *Fredericus Augustus Wolfius*<sup>13)</sup>, *Augustus Boeckhius*<sup>14)</sup>, *Georgius Schoemannus*<sup>15)</sup> quotiens huic

---

<sup>1)</sup> Prooem. Indic. Schol. Univers. Halan. 1835 — 1836. p. 1. not. 3. Allgem. Encyclop. d. W. u. K. III, 7, S. 177. <sup>2)</sup> Lect. Lys. c. VI. <sup>3)</sup> ad Thom. M. p. 810. B. <sup>4)</sup> ad Moerid. v. πομπεία p. 332. <sup>5)</sup> p. 131. ed. Reisk. <sup>6)</sup> Lection. Andocid. p. 17. § 99. *Taylori*, *Ruhnkenii* et *Valckenarii* ea de re disputationes coniunctim editae leguntur in Andokid. v. A. G. Becker. p. 81 — 108. <sup>7)</sup> Idem iudicium est *E. Hepneri* praefat. ad interpretat. Germanic. huius orationis Vratilav. 1824. pag. VI. <sup>8)</sup> In praefatione quam interpretationi Gallicae praeinisit p. 193. <sup>9)</sup> p. 5. Cf. etiam A. L. Z. 1827. No. 118 sqq. <sup>10)</sup> Hellen. Alterth. 1, 2, 190. <sup>11)</sup> Andokides übersetzt und erläutert von A. G. Becker. Quedlinburg 1832. p. 4. p. 13. sqq. Hunc fere sequitur *Anton. Westermannus* hist. eloq. graec. p. 66. <sup>12)</sup> p. 41. Rheinisches Museum III. p. 199. <sup>13)</sup> ad Leptin. §. 137. p. 376. — Scholis Wolfii de litter. graec., quas *Guertleri* male feriat industria nuper edidit, sciens abstinere, manium religionem reveritus, neque ex iis, quae p. 374. leguntur, colligas, quid *Wolfius* ea super quaestione statuerit. <sup>14)</sup> Oec. Civil. Athen. I. 431. II. 16. <sup>15)</sup> de comit. Athen. p. 243.

orationi testimonium denunciant, ita ea utantur, ut nullam videantur fidei dubitationem habuisse. — Cum igitur eam causam susceperimus tuendam, quae posset inferior videri, si esset auctoritatibus transigenda, dabimus operam ut non temere ab summorum hominum iudiciis dissensisse videamur. Namque in ea arte faciunda, quae ab iudicandi munere critica appellatur, non minus illud fugiendum est, ne rationibus tibi nolis persuaderi, ubi prisca et inveterata quaedam opinio diuturnitate<sup>16)</sup> temporum consecrata possessione turbanda est (quasi vero longi temporis praescriptioni non minus sit tribuendum in re litteraria quam in iure civili et publico), quam ne novitatis quodam pruritu captus quodvis opinionum figmentum temere arripias. Qui autem pro rationibus quadam quasi circumforanea iactatione utitur, qua rem oratorie verbis auget modo, modo minuit, is plebem imperitam ducere maluisse censendus est, quam doctis hominibus persuadere, qui quidem graviter ferunt, si aliter persuadeas quam ratione diligenter inita subductaque. Neque vero magis rationum loco ad argumentorum id genus refugiendum, quae in vagis incertisque sensibus posita sunt; etenim ne naevis quidem desunt amatores, immo

amatorem - amicae

Turpia decipiunt caecum vitia aut etiam ipsa haec  
Delectant.

Huc referimus, quod Ruhnkenius „eandem“ dicit „in hac contra Alcibiadem quam in ceteris Andocidis orationibus esse dicendi formam, vim et gravitatem“, quod Valckenarius „vim dicendi in hac oratione elucere admirabilem et prorsus Andocideam“, quod „eundem“ vult „videri stilum atque in reliquis, quae sine controversia sint Andocidis, eandem dicendi vehementiam, eandem libertatem,“ quod Droyseno videtur, „eundem tumultuarium sermonem etiam haec prae se ferre oratio, qui huius oratoris proprius est“. Nam haec nisi singula comprobantur singulatim, quomodo persuadeant ei, quicumque suis neque aliorum oculis videre didicit, intellexitque oratorem hunc visum esse ipsis antiquitatis arbitris non vehementem, non liberum, immo sedatum, simplicem, paene humi serpentem?

## II.

Si qui autem sunt, quibus totum hoc commentandi genus, quo de librorum antiquorum fide disputatur, quod est sane admodum lubricum et incertum, ut audacius iusto plane abiiciendum videatur, quique metuant ne libri auctoribus privati, veluti liberi abs te parentibus orbat<sup>17)</sup>, spectro tibi et terriculo sint, hi meminerint, quaeso, ut et fraudem et errorem eorum, qui incertis parentibus editos partus magnis nominibus supponerent, ita artem quoque supposita ab germanis discernendi non recens esse receptam, immo antiquitate non cedere ipsis philologiae incunabulis. Bibliothecam a Pisistrato primam conditam esse recens quaedam fama<sup>18)</sup> memoravit, patri fortasse tribuens, quae filiorum, Hipparchi praecipue, fuerint; neque huic bibliothecae praeter Homerum nisi paucissi-

<sup>16)</sup> Lepidam fabulam post Richardum Paceum et Richardum Bentleyum narravit F.A. Wolfius in quodam prooemio, quae elegantissima solebat indicibus scholarum huius Halanae universitatis praemittere, et Freder. Manitius in unum corpus redegit, p. 126. „fuisse olim in Britannia inductum quendam sacrificulum, qui triginta per annos recitans librum horariorum precum pro verbo *Sumpsimus* legere soleret *Mumpsimus*. Qui quum natu iam grandior ab amico ultra ordinem litterato monitus esset, ut ridiculum errorem deponeret, vocem insolitam miratum religiosum hominem pro simplicitate sua respondisse, non videre se cur antiquum suum *Mumpsimus* mutaret novo alterius *Sumpsimus*.“ Scilicet paucorum annorum, unius aetatis levis error saepe numero antiquae possessionis ius et gravitatem usurpat. <sup>17)</sup> Utor metaphora a Photio cod. 265, sed etiam a classicis scriptoribus usurpata. Cf. Schaefer Appar. Crit. in Demosth. IV, p. 298. <sup>18)</sup> Athen. I, 3. Gell. VI, 17.



morum quorundam poetarum nuper demum perscripta carmina quidquam inesse potuisse significavit Wolfius<sup>19)</sup>. Eadem librorum colligendorum laude floruit Pisistrati aequalis, Samiorum tyrannus, Polycrates, qui etiam ipse poetis veluti Anacreonte usus erat et Ibyco Rhegino<sup>20)</sup>. Ea autem aetas ut prima librorum conflandorum, ita prima erat litterariae fraudis, cuius, ut alios<sup>21)</sup> taceam, Onomacritus<sup>22)</sup>, Pisistratidarum familiaris, manifestus tenebatur, qui sua carmina cum aliis tum Orpheo et Musaeo supposuerat. Amplissimam librorum suppellectilem is sibi comparavit, qui cum superaret omnes doctrina, doctrinae subsidiis omnium carere poterat minime, Aristoteles. Ea quod multum praestitit et superiorum et aequalium bibliothecis, Straboni<sup>23)</sup> Aristoteles *primus* dicitur collegisse libros atque eo exemplo Aegypti regibus praevisse; multa infuisse et rara etiam orationum exemplaria Rhetoricorum libri probant, in quibus ita et artium scriptoribus et oratoribus testimonium denunciatur, ut ipsorum verba testimonii causa non raro apponantur. Multa inerant etiam ἀδέσποτα ὑπομήματα, sive commentarii, de quorum auctoribus non constabat. Ea bibliotheca hereditate ad Theophrastum et hoc mortuo ad Neleum Scepsium simul cum ipsius Theophrasti bibliotheca pervenit; Neleus exceptis ipsorum Aristotelis Theophrastique libris, quos vendere fortasse religioni erat<sup>24)</sup>, reliquam bibliothecam Aegyptiorum regi alteri Ptolemaeo Philadelpho vendidisse videtur<sup>25)</sup>, qui conditam a patre<sup>26)</sup> suo Lagida bibliothecam in Bruchio auxit multis accessionibus et for-

<sup>19)</sup> Prolegom. ad Homer. p. CXLV. <sup>20)</sup> Panofka de reb. Samior. p. 36. <sup>21)</sup> Nitzsch de histor. Homer. I, p. 97. sqq. <sup>22)</sup> Herodot. VII, 6. Cf. Ritschelii mei egregiam de Onomacrito commentationem in Encyclop. Univ. III. 4. p. 4. sqq. <sup>23)</sup> Strab. XIII, 608. extr. Ἀριστοτέλης — πρῶτος ὃν ἴσμεν συναγαγὼν βιβλία. Stahr. Aristotel. II. 25. Ea in bibliotheca colligenda quam mediocriter sumptibus pepercerit, vel illud docet, quod Speusippi philosophi pauculos libros tribus talentis Atticis emisse narratur (Gell. III, 17. Diogen. Laert. IV, 5.). <sup>24)</sup> Horum exempla ipsis fortasse Aristotelis Theophrastique manibus perscripta postquam diu in urbe Scepsi negligenter sub clavibus reposita et mox in fossa quadam subterranea iacuerunt occultata, tandem duobus fere post Neleum saeculis in manus Apelliconis Teii emptionis lege pervenerunt, qui insigni tum librorum et prototyporum potissimum colligendorum cupiditate flagrabat. Statim post mortem Apelliconis Athenis ab Sulla captis illius quoque bibliotheca ab victore Romam recepta est. — Posui haec paullo verbosius, ut significarem probari mihi rationem ab Stahr nostro initam (Aristot. II, p. 18 sqq.), qua cum Strabone Plutarchoque Athenaeum conciliavit. <sup>25)</sup> Athen. I, 3. παρ' οὗ (Νηλέως) πάντα προιάμενος ὁ ἡμεδαπὸς βασιλεὺς Πτολεμαῖος Φιλάδελφος δὲ ἐπίκλην μετὰ τῶν Ἀθηνησέων καὶ τῶν ἀπὸ Ρόδου εἰς τὴν καλὴν Ἀλεξάνδρειαν μετήγαγε. <sup>26)</sup> Ut hunc, quem constat doctrinarum fuisse studiosissimum et Alexandri res gestas mandasse ipsum litteris, bibliothecam condidisse, aut certe ei condendae fundamenta iecisse cum Valckenario (de Aristobul. p. 45) et Boeckhio Praef. ad Pind. Schol. IX. censeam, neque ad Philadelphum filium etiam origines bibliothecae referam, movit me praeter Irenaeum et Clementem Strom. I. p. 341. d. Demetrii maxime Phalerensis memoria in fabula de ortu LXX interpretationis ut praefecti bibliothecae Alexandrinae toties rediens veluti in Aristeae, si diis placet, epistola (p. II. ed. Hodii κατασταθεὶς ἐπὶ τῆς τοῦ βασιλέως βιβλιοθήκης Δημήτριος ὁ Φαληρεὺς. Cf. ipsas a Demetrio datas litteras ibid. p. V.), apud Tertullianum Apolog. c. 18 et innumeros alios, quem a Philadelpho praepositum bibliothecae esse eo minus est credibile, quo magis ex Hermippo (cf. Lozynski p. 90) constat, Philadelphi odium meruisse Phalerensem consilio, quod patri Soteri dedisset de regno Eurydices filiis relinquendo; id Berenices filium tam graviter molesteque tulisse, ut statim ab regno capessito Demetrium relegatum in custodia teneret, in qua hunc morsu aspidis esse vita privatum. Neque vero propterea, quod narratio de origine illius interpretationis in numerum Fabularum referenda est, credibile Demetrii etiam nomen temere fictum esse; quidni aliud finxerunt, si Demetrii ne fuit quidem ea provincia? Accedit quod a Plutarcho (Apophth. Reg. 8, p. 124) narratur, Δημήτριος ὁ Φαληρεὺς Πτολεμαῖω τῷ βασιλεῖ παρήνει τὰ περὶ βασιλείας καὶ ἡγεμονίας βιβλία κτᾶσθαι καὶ ἀναγινώσκειν. Uno argumento sciens abstineo, quod Museum quoque a Ptolemaeo I. conditum esse ex Plutarcho (non poss. suav. viv. secund. Epicur. c. 13. T. 14 p. 103. H.), εἰ δὲ Πτολεμαῖος ὁ πρῶτος συναγαγὼν τὸ μουσεῖον τοῦτοις συνέτυχε erant qui efficere vellent; malo enim ὁ πρῶτος coniungere cum συναγαγὼν „qui primus coegit“, quam cum Πτολεμαῖος „Ptolemaeus primus“. Neque vero audiendus est Humphredus Hodius, qui in libro acutissimo alioquin et maximae doctrinae „de librorum textib. originalibus“ lib. I, c. 8 id efficere studet, Demetrio principe viro et legumlatore et philosopho indignum videri munus, quod tantum in litteratos homines humilioris conditionis, in grammaticos, in

tasse<sup>27)</sup> secundam in Serapeo adiecit magno librorum apparatu Athenis, Rhodi aliisque locis empto et coacervato<sup>28)</sup>. Bibliothecam ab Philadelpho conditam narrant veteres chronologi alii, veluti Syncellus<sup>29)</sup> et Iulius Africanus<sup>30)</sup> Olympiade CXXXII, alii, veluti Eutropius<sup>31)</sup> quidam trigesimo postquam regnum adeptus esset anno, qui utrique non secum pugnant; nam cum Ptolemaeus primus anno altero mortuus sit Ol. CXXIV, eique statim successerit Philadelphus filius, quem pater iam vivens in regni societatem adsciverat, trigesimus huius regis annus idem erat primus Olympiadis CXXXII. Faciunt cum his etiam Strabo<sup>32)</sup> et Aelianus<sup>33)</sup>, qui propter ingravescentem valetudinem litterarias oblectationes ab Philadelpho expetitas esse volunt; correptus enim morbo rex erat extrema demum aetate corpore voluptatibus consumpto. — Ad eundem Philadelphum, *αὐτογράφων* studiosissimum, arbitror fabulam referendam esse ab Galeno<sup>34)</sup> commemoratam; narrat enim ab Atheniensibus interposito pignore XV talentorum Sophoclis, Euripidis et Aeschyli libros regem accepisse ea lege, ut describi curaret, dein salvos redderet; acceptos iussisse in optimis chartis splendidissime describi; tum archetypa ab Atheniensibus missa retinuisse, ab se curata exempla remisisse rogantem, ut et XV talenta retinerent et pro veteribus, quos dedissent, novos libros acciperent. Verissime autem ab Aug. Boeckhio<sup>35)</sup> et Grysaro<sup>36)</sup> monitum, non ipsa illorum poetarum archetypa sed illud exemplum in Alexandrinam bibliothecam transmissum videri, quod ex Lycurgi lege publice Athenis confectum in tabulario ab scriba urbis servatum esset, quod quidem exemplum fortasse non alias fabulas comprehendit, quam quas Athenis ipsis poetae do-

servos, in libertos deferri solitum sit; scilicet neque grammatici, neque liberti Caesaris Augusti abiectae sunt conditionis et aliud est bibliothecae praeesse, aliud a manu esse; Demetrium autem non abhorruisse ab grammaticorum eruditione index librorum eius probat (ap. Diogen. Laert. V, 80. sqq.), in quo praeter rhetorica et philosophica opera commemorantur etiam historici commentarii et in Iliad. et Odyss. libri sex. Negat etiam accuratae doctrinae vir Weichertus, tum a Ptolemaeo I. bibliothecam conditam tum Demetrium ei praefuisse, et Zenodotum vult primum a bibliotheca fuisse, (de Apollon. Rhod. vit. et carminib. p. 11. sqq.), sed argumenta, quod sciam, non attulit. — <sup>27)</sup> Eam constat ante Caesarem extitisse, quo tempore condita sit non constat; sed ut iam in Ptolemaeum secundum eam referrem laudem, movit me argumentum sane levidense, quod Athenaeus V, 203. e. huius regis βιβλιοθηκῶν κατασκευὴν iactat, quod Zenodotus, quem scimus hoc rege et filiis regiis erudiendis et bibliothecae praefuisse, Suidae (s. v.) dicitur τῶν ἐν Ἀλεξανδρείᾳ βιβλιοθηκῶν προϋστάναι, quod in Chronic. Paschal. p. 173. (326. ed. Dind.) Ptolemaeus Philadelphus dicitur sacros Hebraeorum libros ἐν ταῖς κατὰ τὴν Ἀλεξανδρείαν κατασκευασθεῖσαις αὐτῷ βιβλιοθήκαις ἀποθέσθαι μετὰ καὶ ἄλλων πλείστων ἀπὸ ἐκείνης πόλεως φορολογήσας παντρίων βιβλίων; quod Apollonius quoque Rhodius, qui post Eratosthenem a bibliotheca erat (cum Eratosthenes autem diem obierit supremam Ol. CXLVI. cf. Bernhardt Eratosth. p. X. XII. Apollonius videtur regnante Ptolemaeo IV. Epiphane, qui ab Ol. CXLIII, 1 usque ad CXLVIII, 4 regnavit, bibliothecae praepositus esse) ab incerto vitae enarratore dicitur τῶν βιβλιοθηκῶν τοῦ Μουσείου ἀξιωθῆναι, unde illud certe patet, non in Physconem demum sive Ptolemaeum VII. referendam esse secundae bibliothecae originem. Levidense appellavi argumentum, quod βιβλιοθηκῶν pluralis numerus saepius videtur de una dici bibliotheca, veluti Dionysium Alexandrinum, qui ab Neronis usque ad Traiani tempora vixit, Suidas s. v. τῶν βιβλιοθηκῶν ait προϋστη; „Ptolemaeorum eruditissimus, quem Philadelphum supernominant, et omnis litteraturae sagacissimus cum studio bibliothecarum Pisistratum, ut opinor, aemularetur“, habet Tertullian. Apolog. c. 18. Neque tacendum, quod bibliothecam singulari numero ab Philadelpho conditam memorant Augustin. (de Civ. Dei XVIII, 42. „in bibliotheca, quam nobilissimam fecerat“) Iustinus Martyr. (Apolog. 2, ὅτε βιβλιοθήκην κατασκεύασε. cohort. ad Graec. βιβλιοθήκην ἐν τῇ Ἀλεξανδρείᾳ κατασκευάσας) Eusebius (Chronic. ex interpretat. Hieronymi p. 140. „in Alexandrina bibliotheca habuit quam sibi ex omni genere litteraturae comparaverat“) Epiphanius (de pond. et mens. c. X. βιβλιοθήκην κατασκεύασας ἐπὶ τῆς αὐτῆς Ἀλεξανδρου πόλεως ἐν τῷ Βρουχίῳ καλυμένῳ κλίματι). <sup>28)</sup> Athen. V. 203, e. <sup>29)</sup> Chronograph. p. 273. (518 ed. Dind.) τὴν ἐν Ἀλεξανδρείᾳ βιβλιοθήκην καθίστησιν ῥαβ' Ὀλυμπιάδι, ἧς πληρουμένης τελευτᾷ. <sup>30)</sup> ap. Euseb. l. c. <sup>31)</sup> Ennead. IV, 8. <sup>32)</sup> XVII, p. 789. 6, p. 487 Tzsch. <sup>33)</sup> V. H. IV, 15. <sup>34)</sup> Comment. II. in Hippocrat. ἐπιδ. γ. (p. 240. ed. Chart. 412. ed. Bas. T. 17. p. 607. Kühn). <sup>35)</sup> de tragic. graec. p. 12. sq. <sup>36)</sup> in egre-

cuerant, et ne eas quidem omnes, sed solas victrices. Permiserint hoc Athenienses ei regi, cui summa quaeque, etiam illud detulerunt, quem inter heroas indigenas referrent, a quo tribus diceretur<sup>37)</sup>, scilicet remuneraturi anceps<sup>38)</sup> auxilium, quod adversus Antigonom Ol. CXXVIII tulerat, classe Patroclo duce missa, quae quidem re infecta non minus discesserat, quam Spartani, quos ut Areo imperatore Atheniensibus suppetias ferrent idem Philadelphus excitaverat; remuneraturi etiam regiam liberalitatem, qua gymnasium Ptolemaeus Atheniensibus prope ab Theseo condiderat.

Eodem bibliothecae amplificandae studio cum reliqui Ptolemaei ducebantur, etiamsi alioquin sceleribus affluebant, tum septimus, quem propter obesitatem opprobrii caussa Physconem dicebant, utut erat omni vita inquinatissimus. Patre huius, Epiphane, regnante (regnabat autem hic ab a. Chr. 204 — 181) Pergami rex Eumenes II. Attali primi filius, qui ab Ol. CXLV, 4 usque ad Ol. CLV, 3 sive ab a. 197 — 158 a. Chr. regnabat<sup>39)</sup>, Pergami bibliothecam condidit<sup>40)</sup>, mox Alexandrinae aemulam et ab successoribus vehementer auctam. Quanta enim cum contentione et aemulatione iam a principio inde inter utrosque reges, et Ptolemaeos et Attalicos, bibliothecae amplificatio agitata sit, cum alia adsint documenta, tum duo illustria; unum illud, quod cum Eumenes invitasset ad se grammaticum eum, qui post Apollonium Rhodium Alexandrinae bibliothecae praeerat, sive is Aristophanes<sup>41)</sup> erat, sive ab hoc diversus, praefecturus nimirum bibliothecae suae, iter parantem Epiphanes in carcerem coniecit et per aliquot annos in vinculis tenuit. Alterum hoc est, quod papyri sive chartae papyraceae ex caule plantae Aegyptiae, quae Graecis βύβλος dicebatur, contextae exportatione Ptolemaeus interdixit, quem alii volunt Physconem fuisse; nos id quoque in Epiphanem cadere coniicimus. Ea autem res secus evenit, quam rex expectaverat; nam necessitas coegit Pergamenos ut membranam invenirent, quae inde Pergamena dicebatur<sup>42)</sup>, longe praestantior illam reliquis pellibus rasis, quibus olim Graeci, Herodoti temporibus aliquot nationes barbarae ad scribendum utebantur. — Neque ab hoc librorum colligendorum studio Syriae reges Seleucidae abhorrebant; immo praeterquam quod iam in Antiochi primi Soteris aulam aliquot viri doctrina ingenio insignes convenerant invitati, Antiochus Magnus, qui Ol. CXXXVIII, 1 a. Chr. 224 regnare coepit, Euphorionem Antiochenae bibliothecae dicitur praeposuisse<sup>43)</sup>. — Prae his autem regiis non attinet privatas<sup>44)</sup> commemorare bibliothecas vel antiquiores illas Atheniensium Euripidis<sup>45)</sup>, Euthydemii<sup>46)</sup> et Euclidis<sup>46)</sup> et

gia commentatione de tragoed. Graecor. circ. temp. Demosth. p. 7. <sup>37)</sup> Boeckh. ad Corp. Inscr. Graec. T. 1. p. 162. <sup>38)</sup> Schorn Geschichte Griechenl. p. 56. <sup>39)</sup> Cf. Boeckh. C. I. Gr. 1. p. 164. <sup>40)</sup> Strab. XIII. 626. Doctissimi Mansonis librum „ueher die Attalen, ihre Staatsklugheit, Benehmen u. a. Verdienste“ nondum licuit videre. <sup>41)</sup> Suid. V. Ἀριστάννυμος — προέστη τῆς τοῦ βασιλέως βιβλιοθήκης μετὰ Ἀπολλώνιον — διασκευασθεὶς δὲ ὡς βουλόμενος πρὸς Εὐμένην φυγεῖν ἐφυλάχθη ἐν εἰρκτῇ χρόνον τινά. Nam haec quominus ad omnibus ignotum grammaticum Aristonymum referantur scito Meinekii iudicio cautum est probabiliter ea ad nobilissimum Aristophanem referentis; quamquam ratio, qua is Suidae locus reddendus sit integritati, nondum constat; certe Bernhardyi coniectura magis significat quid desideretur et quid potuerit scribi, quam quid scriptum fuerit. <sup>42)</sup> Plin. N. H. XIII, 21. „aemulatione circa bibliothecas regum Ptolemaei et Eumenis supprime chartas Ptolemaeo idem Varro membranas Pergami tradit repertas“ cf. Funck. descriptur. veter. p. 90. sqq.; ineptiunt Lydus de mensib. p. 30 et Tzetzes Chiliad. XII. 405. <sup>43)</sup> Suid. v. Εὐφορίων — καὶ προέστη ὑπ' αὐτοῦ τῆς ἐκεῖσε βιβλιοθήκης. <sup>44)</sup> Athen. I, 3. <sup>45)</sup> Hinc Euripidis pendet eruditio, quam ut abhorrentem ab tragoediarum natura toties reprehendit Aristophanes, ut σοφοῦ cognomen ei paene in contumeliam verteret; et Ran. v. 940. sqq. Comicus Euripidem facit gloriantem, timore se et gravitate liberasse tragoediam ἐπὶ πολλοῖς καὶ περιπάτοις — χυλὸν διδούς στρωμυλμάτων ἀπὸ βιβλίων ἀπηθῶν. In ea bibliotheca cum aliorum physicorum libri tum Anaxagorae fuerint Clazomenii, cuius ut auditor poeta diceretur, Anaxagorea placita in tragoediis saepe significata (cf. Valcken. Diatr. c. IV. et V.) effecerint, quamquam Euripide eo familiariter usum esse non negamus. <sup>46)</sup> Xenoph. Mem. IV, 2.



Cyprii Nicocratis<sup>47)</sup>, vel eius qui Sullanis temporibus magnam librorum molem coegit, Apellicontis Teii<sup>48)</sup>, vel denique Tyrannionis, grammatici Amiseni, quem a Lucullo in praeda Amisena Romam deductum (a. a. Chr. 71.) librorum supra tricies mille sibi collegisse *Suidas* (s. v.) auctor est. Ea mota contentione cum reges illi et librorum numero et magnis nominibus, ad quae referrentur, superare se studerent, quicumque lucro magis quam veritate ducebantur, magnis auctoribus suppositos libros eo magis cupidissimis emptoribus emendos offerebant, quo et praemia maiora essent proposita, et minus quam nunc verendum, ne fraudis statim convincerent se reges ab re critica adeo alieni. *Mercatus igitur librorum ferax dicendus est litterariae fraudis.* Is iam ante Alexandrum cum alias tum Athenis institutus est, ubi τὰ βιβλία forum dicebatur, in quo libri venales prostabant<sup>49)</sup>; quod vocabulum cum iam apud Eupolidem comicum eo extet significatu, antiquitatem Attici librorum mercatus satis testatur; Athenis autem et aliis ex Graeciae urbibus etiam in colonias Ponti, Thraciae exportabantur libri. Sosii vero sive bibliopolae antiquorum Graecorum, id quod quasi praeteriens annotandum arbitror, sumptus<sup>50)</sup> describendis tantum exemplis videntur fecisse, ipsis auctoribus honorarium donum aut raro aut numquam obtulisse; nam quod apud Plinium<sup>51)</sup> extat „Isocrates viginti talentis unam orationem vendidit“, noli ita accipere, quasi vero vendiderit bibliopolae, immo Plinius minus accurate locutus est neque pro vendita sed pro oratione Nicocli Cypriorum regi inscripta ab hoc XX talenta accepit<sup>52)</sup> Isocrates. Per bibliopolas ψευδεπιγράφων numerum vehementer iam antiquitus auctum esse, uno satis habeo probare exemplo; ab Isocrate enim cum iudicalem orationem nullam Aphaereus privignus eius, non multas esse scriptas Cephisodorus auditor eius maxime germanus contenderent, apud bibliopolas tamen multi fasciculi iudicialium orationum Isocratis circumferebantur; auctor est Aristoteles<sup>53)</sup>, quo nomine cur Siculum potissimum rhetorem concilient significari, non satis scio. Sed multo latius id fraudis genus coepit patere, cum Ptolemaei et Attalici reges inter se certarent<sup>54)</sup>; neque mirum si ea litterariae fraudis quasi quadam officina Alexandriae aperta unus etiam et alter Iudaeorum, qui graece docti et graecis litteris imbuti in ea urbe delitescabant, ita usus est, ut Graecorum doctissimis poetis et scriptoribus versus, carmina, fabulas, libros supponeret, veluti Aristobulum in commentariis, quos in legem Moysis scriptos Philometori regi inscripsit, Orpheo, Lino, Homero, Hesiodo versus fraudulenter supposuisse *Valckenarius*<sup>55)</sup> evicit; erat ea scilicet pia fraus, qua gentis suae antiquitatem et gloriam tuerentur, qua genti-

<sup>46)</sup> Hunc cur praetorem statuunt fuisse anni Ol. XCIV, 2, caussae nihil scio. <sup>47)</sup> Hic cognatione attigerit Nicoclem, Euagorae filium et in regno Cyprio successorem, hominem non mediocriter doctum, an Nicocreontem illum, quem Ptolemaeus I. Cyprio in suam potestatem receptae praefecit, hominem non minus luxurie diffluentem, quam crudelitate insignem, non ausim definire. <sup>48)</sup> *Athen.* V, p. 214. <sup>49)</sup> *Pollux* IX, 47, Boeckh. *Gec. Civ. Athen.* I, 51. <sup>50)</sup> *Christiani Schoettgenii histor. librariorum et bibliopolarum recentis et medii aevi c. 2 in Polen. Thesaur. III. Manso „Vermischte Schriften“* p. 281. <sup>51)</sup> *Plin. N.H.* VII, 31. <sup>52)</sup> *Pseudo-Plutarch. Vit. Isoc.* p. 333. Ἡ παρὰ Νικολέως τοῦ Κυπρίων βασιλέως ὅς ἦν υἱὸς Εὐαγόρου — εἰκοσι τάλαντα λαβὼν ὑπὲρ τοῦ πρὸς αὐτὸν γραφέντος λόγου. <sup>53)</sup> apud *Dionys. Halicarn. de Isocrat. iudic.* p. 576. <sup>54)</sup> Utor hic notissimis locis *Galeni in Hippocrat. de natur. homin. Comm.* p. II. 28. (T. XV. p. 109. Kühn.) Ἐν τῷ κατὰ τοὺς Ἀτταλικούς τε καὶ Πτολεμαϊκούς βασιλέας χρόνῳ πρὸς ἀλλήλους ἀντιφιλοτιμουμένους περὶ κτήσεως βιβλίων ἢ περὶ τὰς ἐπιγραφάς τε καὶ διασκευὰς αὐτῶν ἤρξατο ῥαδιουργία τοῖς ἕνεκα τοῦ λαβεῖν ἀργύριον ἀναφέρουσιν ὥς τοὺς βασιλέας ἀνδρῶν ἐνδόξων συγγράμματα et *Ammonii Hermiae F. ad Arist. Categ. fol.* 3, 9. Τρεῖς ἀφορμαὶ γέγονασι τοῦ νοθεύεσθαι τὰ συγγράμματα τοῦ Ἀριστοτέλους — Ἡ δὲ τρίτη τοιαύτη ἐστίν. Πτολεμαῖον τὸν Φιλάδελφον πάντῃ ἐσπουδακέναι φασὶ περὶ τὰ Ἀριστοτελεῖα συγγράμματα, ὥς καὶ περὶ τὰ λοιπὰ, καὶ χρήματα δίδοναι τοῖς προσφέρουσιν αὐτῷ βιβλούς τοῦ φιλοσόφου. Ὅθεν τινὲς χρηματίσασθαι βουλόμενοι ἐπιγράφοντες συγγράμματα τῷ τοῦ φιλοσόφου ὀνόματι προσῆγον. <sup>55)</sup> In diatribe de Aristobulo Iudaeo. Idem argumentum aliquot illustribus exemplis tra-

les, quibus quidem aut odio aut despicatui et contemptui erant, Iudaeis plurima debere convincerent.

Iam vero postquam bona librorum copia in regiis illis thesauris congesta est, partim bibliothecarum praefecti, partim qui eruditorum hominum in Museo, regia adiuti liberalitate, litteris operabantur<sup>56</sup>), indices sive tabulas librorum secundum scriptorum genera dispositas ediderunt; idem ne reges quidem ipsos dedignatos esse facere, ex Philadelphi exemplo colligeres, a quo librorum Aristotelicorum scriptum esse indicem Davides<sup>57</sup>) Armenius auctor est, modo constaret recte ab hoc esse ad Philadelphum relatum, quod de Ptolemaeo nescio quo tradidit Ammonius, seu cuiuscumque est vita Aristotelica, quae eius nomen prae se fert. His in tabulis tum incertos libros (*αδέσποτα ὑπομήματα*), quos credibile est numero plurimos fuisse, ad certos quosdam auctores referebant, tum ab suppositis germana distinguebant, in utraque re suum ipsorum iudicium secuti. In eo pronunciando parcendum fortasse erat regis aemulationi, vix aequo animo laturi, si quem librum titulo deceptus ambitioso emisset ingenti pecunia, non ad eum pertinere scriptorem iudicaretur, cuius nomen esset in fronte scriptum; sed ut fuerit ab regis metu liberrimum iudicium, cum plerumque unam fere rem eamque incertissimam in iudicandis librorum auctoribus spectasse videantur, dicendi genus dico, stili differentiam<sup>58</sup>), ad longe certiores autem temporum rationes raro recurrisset, quid mirum, si alius aliud<sup>59</sup>) et nonnumquam nemo recte et vere statuit?

Habes hic tres eosque communes omni litterarum generi quasi fontes, unde *ψευδὲς γράφα* in omnia scriptorum genera manasse quodammodo videntur, primum *fraudem* inquam *sive piam illam sive impiam eorum, qui scientes dolo malo alienis nominibus a se scripta supponebant*, veluti Anaximenes Lampsacenus, ut inimico suo Theopompo invidiam maiorem conflaret et odium adversus eum in maximis Graeciae civitatibus auferret, ab se scriptum Tricaranum huic supposuit, in quo Theopompi scribendi genus malignum et mordax accuratissime expresserat<sup>60</sup>), *dein fraudem sive errorem bibliopolarum*, praesertim eorum, qui magnis bibliothecis exempla librorum emenda offerebant, postremum *errorem eorum, qui cum praessent vel adessent bibliothecis, earumque indices sive πινάκας facere deberent, incerta male ad certos auctores referebant*. *Orationum* autem alienis nominibus subdendi quartus quidam erat et peculiaris fons. Nam cum „circa Demetrii Phalerensis tempora fictas ad imitationem fori consiliorumque materias apud Graecos dicere institutum“<sup>61</sup>) esset, aut latius patere coepisset, atque ex eo inde tempore dicendi palaestrae in caussis iisdem tractandis exercerentur, quae a veteribus oratoribus aut erant actae aut agi potuerant, fieri non poterat, quin ea

gicorum Graecorum Boeckhius (Graec. tragoed. princip. p. 146 sqq.) illustravit. <sup>56</sup>) Callimachus certe, cuius *πινάκες* mox commemorabuntur, non ipse praecerat bibliothecae, sed quo tempore Zenodotus huic erat praefectus, in Museo locum obtinebat suum. <sup>57</sup>) Verba Davidis descripta habent Brandisius (Mus. Rhen. I. 3. p. 220.) et Stahrus Aristot. I, 159. II, 63. <sup>58</sup>) Eius rei infra aliquot exempla afferentur; nunc unum memoro Ammonium (ad Arist. Categ. fol. 3.) narrantem ex Analyticorum libris, qui in bibliotheca fuerint *XL*, esse *IV*, ex duobus Categoriarum libris unum ab exegetis pro germano Aristotelis iudicatum; *ἐν γὰρ τῇ δὲ ἐκ τῶν νοημάτων καὶ τῆς φράσεως κ. τ. λ.* <sup>59</sup>) Carmina eadem cum ab aliis ad Stesichorum, ad Ibycum ab aliis referantur, Neueus coniecit carmina sine notitia auctorum transmissa grammaticos certis assignasse de suo, id quod aliorum retulit Schneidewinus Ibyc. Rhegin. p. 47. Omnino ab diversis diversa saepe numero lata esse iudicia de eiusdem libri auctore cum possis innumeris exemplis comprobare, ego satis habeo unam hic excitare comoediam *Μαμμάχου*, quam aliis alios tribuere Meinekeius te docere potest (Qu. Sc. II, 53). <sup>60</sup>) Cf. Passow in prooem. indic. scholar. Vratislav. 1829. p. 5. (Opusc. academ. p. 172.) <sup>61</sup>) Quintil. I. O. II, 4, 41.

scribendi pericula sive ingenii lusus ubi aetatem tulissent, fucum imperitis et ab critica arte alienis facerent nonnumquam, ut ad ipsos eos summos oratores referrentur, quorum nomina prae se ferre viderentur. Uno nuncutar eoque notissimo exemplo, alia et luculenta infra additurus; Periclem enim et Alcibiadem cum satis constet nihil scriptum reliquisse, quae utriusque orationes ferebantur Ciceronis aetate, quis dubitabit aut Quintiliano accedere spurias eas iudicanti, aut Spengelio earum originem ex rhetorum posteriorum exercitationibus derivanti<sup>62)</sup>?

### III.

Memoravimus nobilissimas aliquot Graecae antiquitatis bibliothecas, Alexandrinas duas, Bruchii et Serapei, quarum cum illa esset ab Iulio Caesare incensa, aliam Augustus in Sebasteo condidit, unam Pergamenam, quae ante Augusti tempora Romam translata est<sup>a)</sup>, unam Antiochenam. Fuerint his, et si quae aliae essent maiores, sui cuique *πίνακες*; notissimi tamen erant Alexandrini et Pergameni. Alexandrinos appello ab Callimacho Cyrenaeo et Aristophane Byzantio factos. Ab Callimacho enim, quem constat natura sua doctum potius grammaticum fuisse quam poetam, floruisse autem credibile est sub Philadelpho maxime, vitamque produxisse ad Euergetae regni initia, id est ad Ol. CXXXIII, 2, *Suidas* auctor est scriptos esse *πίνακας τῶν ἐν πάσῃ παιδείᾳ διαλαμψάντων*<sup>63)</sup> καὶ ὧν συνέγραψαν ἐν βιβλοῖς κ' καὶ ῥ', id est „tabulas eorum, qui in quavis disciplina inclaruerunt atque eorum quae conscripserunt libris CXX“, a quibus haud scio an minus recte ut diversos libros distinxerit lexicographus tum *πίνακα καὶ ἀναγραφὴν τῶν κατὰ χρόνους καὶ ἀπ' ἀρχῆς γενομένων διδασκάλων* (sive, ut alii maluerunt, *διδασκαλιῶν*) tum *πίνακα τῶν Δημοκρίτου γλωσσῶν καὶ συνταγμάτων*; nam mihi idem probatur, quod Wowerio<sup>64)</sup> et Ruhnkenio<sup>65)</sup> visum est, ut has quoque illius vasti operis partes arbitrer fuisse. Fallor, aut erat illud ita adornatum, ut referret quodammodo eos librorum indices, quos nostri homines „reales“ appellant, nisi quod his multo erant ampliores et doctiores. Erant igitur scriptores in classes quasdam descripti, ut qui eiusdem artis fuissent, eos idem *πίναξ* comprehenderet. Suus igitur *πίναξ* erat lyricis<sup>66)</sup>, suus tragicis<sup>67)</sup>, suus comicis<sup>68)</sup>, nisi unus utrisque<sup>69)</sup>, suus historiarum scriptoribus<sup>70)</sup>, suus philosophis<sup>71)</sup>, suus oratoribus, atque haec est<sup>72)</sup> *ἀναγραφὴ τῶν ῥητορικῶν* (sc. *συγγραμμάτων*); suus deinceps reli-

<sup>62)</sup> *Ruhnken*. hist. cr. orat. Graec. p. 125 sqq. *R. Spengel* συνκ. τεχν. 61. sqq. a) *Menag.* ad *Diogen.* VII, 34. <sup>63)</sup> Titulum imitatus est, non librorum indolem et formam, praeter Hermippum Smyrnaeum, de quo infra dicturus sum, *Hesychius Milesius*, cuius liber inscriptus est *περὶ τῶν ἐν παιδείᾳ διαλαμψάντων σοφῶν*. <sup>64)</sup> *Polymath.* c. 16. <sup>65)</sup> Ad *Callimach.* fragm. p. 470 ed. Ernest. <sup>66)</sup> Refero huc, quod *Schol. Pind.* Pyth. II init. hoc carmen, quod nunc secundum est Pythiorum, Nemeaeum voluit esse. Cf. *Boeckh*, Praef. ad *schol.* p. X. <sup>67)</sup> Hinc petitum arbitror, quod habet *Harpocr.* v. Ἰων. — ἔγραψε δὲ καὶ φιλόσοφόν τι σύγγραμμα, τὸν Τριαγμὸν ἐπιγραφόμενον, ὅπερ Καλλίμαχος ἀντιλέγεσθαι φησιν ὡς Ἐπιγένους. De hoc philosophico libro, qui τριαγμοὶ plurali numero ab aliis inscribitur, cf. *Nieberding* de *Ion.* Chii vit. etc. p. 96. Fortasse autem etiam hoc posuit Callimachus in choliambis, in quibus Ionis certe ut *πολυγραφωτάτου* mentionem factam esse *Suidas* v. *διθυραμβοδιδάσκ.* probat. <sup>68)</sup> Ex hoc petita sunt, quae habent *Athenaeus* VIII, 336, e. de comoedia Alexidis *ἀσποροδιδάσκαλος*, XI, 496 de fabula *Diphili Εὐνοῦχος*, *Schol. Aristoph.* *Nub.* 579. de Nubium didascaliis et fortasse etiam quae apud *Ptolemaeum Hephaestionem* extant ap. *Bentl.* p. 470. <sup>69)</sup> Id credideris propter singularem supra positi *πίναξ τῶν διδασκαλιῶν*, sed pluralem in eadem re habet *Etym.* M. 672. 28. Cf. infra not. 97. Ceterum, nisi vehementer fallor, quas *Suidas* Callimacho tribuit *Τραγωδίας*, *Κωμῳδίας*, *Σατυρικά Δράματα*, *Μέλη* non sunt nisi tragoediarum, comoediarum, fabularum satyricarum et lyricorum carminum tabulae. <sup>70)</sup> *Athen.* II, 70, z. ab Callimacho tradit *Ἀσίας περιήγησιν* ad Hecataeum insulanum (*νησιώτην*) referri, quam alii Hecataeo Milesio tribuant. <sup>71)</sup> Huc refero, quod de Parmenidis carmine est apud *Diogen. Laert.* IX, 23, de Eudoxi magistris ap. eundem VIII, 86, de illius magistro et praeceptore ap. *Procl.* in *Platon.* *Parmenid.* quem excitat *Bentl.* p. 471. <sup>72)</sup> *Athen.* XV, 669, d.



quis litterarum generibus, suus etiam erat miscellae literaturae, atque hic est <sup>73)</sup> ὁ τῶν παρρησιαίων συγγραμμάτων vel <sup>74)</sup> ὁ τῶν παρρησιαίων πηγάς. In his igitur tabulis de cuiusque scriptoris nomine, aetate, patria, genere, magistris, omni vita, librorum fabularumve inscriptionibus, argumentis, temporibus <sup>75)</sup> breviter disputabatur, ab suppositis germana discernebantur. Si in eo iudicio ferendo Callimachus erravit nonnumquam, si vel vehementer erravit, quis paullo humanior non ignoscet „operi longo obrepsisse somnum“, aut non indignabitur Caecilios (nam huius farinae hominibus sua videtur Photius <sup>76)</sup> debere) Callimachum imparē iudicando pronunciantes (ὁ δὲ Καλλίμαχος αὐτὸς ἰανὼς ἐν κείνῳ). Accedit quod, si Callimache in tragicis quidem comicisque poetis recensendis licuit et publicarum tabularum sive δεικνυμένων fidem consulere et summorum hominum, Aristotelis, Theophrasti, Dicaearchi, Aristoxeni, aliorum conferre iudicia <sup>77)</sup> et ad eorum auctoritatem suam dirigere, in oratorum recensu faciendo neminem habuit sibi praeiuntem et pleraque omnia ipse primus in examen vocare debuit. — Contra Theocrinem oratio ut inter Demosthenicas referretur, Callimachi <sup>78)</sup> iudicio factum est, quam non esse summi oratoris agnoscunt quae in ipsa ea oratione contra Demosthenem <sup>79)</sup> dicuntur, rectius eam Dinarcho vindicavit Dionysius; huius utrum an Callimachi sequatur ea in re iudicium, dubius animi haeret Harpocratio <sup>80)</sup>, propensus tamen magis ad Callimachi sententiam <sup>81)</sup>. Orationes adversus Boeotum de nomine et adversus Mantitheum de dote materna nunc inter Demosthenicas leguntur; Dinarcho, cuius non esse temporum ratio docet, Callimachus quoque tribuerit, quem non minus quam Bergamenos grammaticos in Dinarchi orationibus germanis et spuris iudicandis Dionysius Halicarnassensis <sup>82)</sup> vult paullo fuisse negligentiorē, quamquam, quinam sint αἱ Δημοσθένους ἀραιομέναι τοῦτον τὸν λόγον καὶ Διναρχοῦ προσέκτες, non significat Dionysius <sup>83)</sup>. — Ex deperditis autem Demosthenis orationibus quod adversus Critiam <sup>84)</sup> orationem περὶ τοῦ ἐντυπικημάτων Callimachus germanam dixit, quam suppositam Dionysius, et pro Satyro <sup>85)</sup> orationem adversus Charidemum quod Dinarcho tribuit, quam alii Demostheni adscripserunt, quis ausit nunc pronunciare, utrum iudicium rectius sit. Neque iniuria reprehenditur <sup>86)</sup> Callimachus, quod Prodicum inter oratores retulit, qui erat inter philosophos referendus; immo largior in Demosthene <sup>87)</sup> et omnino in oratoribus <sup>88)</sup> in tabulas refe-

<sup>73)</sup> Id. XIV, 648, f. funde patet ἀλκυοντοειδῆ συγγραμματα sive varios variorum de placentis commentarios hic esse perreositos. <sup>74)</sup> Id. VI, 244, a. ubi δαίμνα ὅσοι ἔγραψαν quotquot scriptores convivia scripserunt ex eo indice excitantur. <sup>75)</sup> Cf. quae excitavi not. 68. <sup>76)</sup> Cod. 265, p. 491, h. cf. not. 85. Caecilium nominavi neque Dionysium Halicarnasensem, quod hunc certe in iudicio de fide orationum c. Aristogitonem ferendo maligne vellicavit, quicunque demum est, quem excerpserit Photius

p. 491, a. 32. <sup>77)</sup> De his cf. Meuschenius Quaest. Scen. III, p. 1 sqq. Aristoxeni Τρυγῶδοποιολ commemorantur Ἀμμανίῳ v. ὄνισθαι καὶ ἐνέσθαι. <sup>78)</sup> Dionys. de Dinarch. iudic. p. 663. <sup>79)</sup> Cf. Demarch. p. 1838, 16. 1835, 25. 1836, 9. <sup>80)</sup> v. Θεοφρίτης — ὅλον ἐκ τοῦ παρὰ Θεοφρίτου εἶναι Δημοσθένους εἶναι εἰς Διναρχοῦ. Hinc intelligitur etiam v. ἀναρπῶν cum Taylors et Bekkero scribendum esse διδάσκειν δὲ τοῦτο οὕτως εἶναι Δημοσθένους τὴν ἢ [erat το καὶ] Διναρχος ἐν τῷ παρὰ Θεοφρίτου καὶ Διναρχοῦ.

<sup>81)</sup> Certe v. ἐνδοκίμους simpliciter excitat: Δημοσθένους ἐν τῷ παρὰ Θεοφρίτου. <sup>82)</sup> de Dinarch. iudic. p. 630. <sup>83)</sup> Id. ibid. p. 665. <sup>84)</sup> Harpocr. v. ἐντυπικημάτων — ἔστι δὲ καὶ λόγος τις ἀναρπῶντος Δημοσθένους πρὸς Κριτίαν περὶ τοῦ ἐντυπικημάτων, δὲ Καλλίμαχος αὐτὸν ἀναρπῶντι εἰς γὰρ τὸν ἀναρπῶντος δὲ ὁ ἀναρπῶντος εἰς φροντιστήριον.

<sup>85)</sup> Phot. cod. 265, p. 491, h. καὶ τὸν αὐτὸν Σατύρου δὲ λόγον τῆς ἀναρπῶντος πρὸς Καρίδην αἱ μὲν πρὸς τὴν αἰτίαν ἔχοντες τὸ ἀπαλὲς Δημοσθένους ἀγορεύειν εἶναι, δὲ δὲ Καλλίμαχος, αὐτὸς ἰανὼς ἐν κείνῳ, ἀναρπῶντος νομίζε, τινὲς δὲ ἀναρπῶντος αὐτὸς αὐτὸς, καὶ τὸν αὐτὸν ἔχοντες αὐτὸς ἀναρπῶντος καὶ τὸν αὐτὸν ἀπαλὲς τῆς ἀναρπῶντος καὶ τὸ ἀπαλὲς καὶ τὸν ἀναρπῶντος αὐτὸς αὐτὸς. <sup>86)</sup> Schol. Aristoph. Av. 682. οὐκ ὀρθῶς δὲ Καλλίμαχος ἐν τοῖς ὅμοις καταλέγει. <sup>87)</sup> Ad Demosthenicorum orationum tabulas referendum quod est apud Dionysium Halic. de admar. vi dicendū in Demosth. p. 994. ὁ ἀναρπῶντος Καλλίμαχος οὕτως ἀποκρίνεται.

<sup>88)</sup> Memoratur Callimachi iudicium non tantum de Demosthenicis et Dinarchicis, sed etiam de Lysiacarum orationum titulis ap. Dionys. de Isaeo 6.



scribendi pericula sive ingenii lusus ubi aetatem tulissent, fucum imperitis et ab critica arte alienis facerent nonnumquam, ut ad ipsos eos summos oratores referrentur, quorum nomina prae se ferre viderentur. Uno nuncutar eoque notissimo exemplo, alia et luculenta infra additurus; Periclem enim et Alcibiadem cum satis constet nihil scriptum reliquisse, quae utriusque orationes ferebantur Ciceronis aetate, quis dubitabit aut Quintiliano accedere spurias eas iudicanti, aut Spengelio earum originem ex rhetorum posteriorum exercitationibus derivanti<sup>62)</sup>?

### III.

Memoravimus nobilissimas aliquot Graecae antiquitatis bibliothecas, Alexandrinas duas, Bruchii et Serapei, quarum cum illa esset ab Iulio Caesare incensa, aliam Augustus in Sebasteo condidit, unam Pergamenam, quae ante Augusti tempora Romam translata est<sup>a)</sup>, unam Antiochenam. Fuerint his, et si quae aliae essent maiores, sui cuique πίνακες; notissimi tamen erant Alexandrini et Pergameni. Alexandrinos appello ab Callimacho Cyrenaeo et Aristophane Byzantio factos. Ab Callimacho enim, quem constat natura sua doctum potius grammaticum fuisse quam poetam, floruisse autem credibile est sub Philadelpho maxime, vitamque produxisse ad Euergetae regni initia, id est ad Ol. CXXXIII, 2, Suidas auctor est scriptos esse πίνακας τῶν ἐν πάσῃ παιδείᾳ διαλαμψάντων<sup>63)</sup> καὶ ὧν συνέγραψαν ἐν βιβλίοις κ' καὶ ῥ', id est „tabulas eorum, qui in quavis disciplina inclaruerunt atque eorum quae conscripserunt libris CXX“, a quibus haud scio an minus recte ut diversos libros distinxerit lexicographus tum πίνακα καὶ ἀναγραφὴν τῶν κατὰ χρόνους καὶ ἀπ' ἀρχῆς γενομένων διδασκάλων (sive, ut alii maluerunt, διδασκαλιῶν) tum πίνακα τῶν Δημοκρίτου γλωσσῶν καὶ συνταγμάτων; nam mihi idem probatur, quod Wowerio<sup>64)</sup> et Ruhnkenio<sup>65)</sup> visum est, ut has quoque illius vasti operis partes arbitrari fuisse. Fallor, aut erat illud ita adornatum, ut referret quodammodo eos librorum indices, quos nostri homines „reales“ appellant, nisi quod his multo erant ampliores et doctiores. Erant igitur scriptores in classes quasdam descripti, ut qui eiusdem artis fuissent, eos idem πίναξ comprehenderet. Suus igitur πίναξ erat lyricis<sup>66)</sup>, suus tragicis<sup>67)</sup>, suus comicis<sup>68)</sup>, nisi unus utrisque<sup>69)</sup>, suus historiarum scriptoribus<sup>70)</sup>, suus philosophis<sup>71)</sup>, suus oratoribus, atque haec est<sup>72)</sup> ἀναγραφὴ τῶν ῥητορικῶν (sc. συγγραμμάτων), suus deinceps reli-

<sup>62)</sup> Ruhnken. hist. cr. orat. Graec. p. 125 sqq. R. Spengel συνκ. τεχν. 61. sqq. a) Menag. ad Diogen. VII, 34. <sup>63)</sup> Titulum imitatus est, non librorum indolem et formam, praeter Hermippium Smyrnaeum, de quo infra dicturus sum, Hesychius Milesius, cuius liber inscriptus est περὶ τῶν ἐν παιδείᾳ διαλαμψάντων σοφῶν. <sup>64)</sup> Polymath. c. 16. <sup>65)</sup> Ad Callimach. fragm. p. 470 ed. Ernest. <sup>66)</sup> Refero huc, quod Schol. Pind. Pyth. II init. hoc carmen, quod nunc secundum est Pythiorum, Nemeaeum voluit esse. Cf. Boeckh. Praef. ad schol. p. X. <sup>67)</sup> Hinc petitum arbitror, quod habet Harpocr. v. Ἰων. — ἔγραψε δὲ καὶ φιλόσοφόν τι σύγγραμμα, τὸν Τριαγμὸν ἐπιγραφόμενον, ὅπερ Καλλίμαχος ἀντιλέγεσθαι φησιν ὡς Ἐπιγένους. De hoc philosophico libro, qui τριαγμοὶ plurali numero ab aliis inscribitur, cf. Nieberding de Ion. Chii vit. etc. p. 96. Fortasse autem etiam hoc posuit Callimachus in choliambis, in quibus Ionis certe ut πολυγραφεύτου mentionem factam esse Suidas v. διθυραμβοδιδάσκ. probat. <sup>68)</sup> Ex hoc petita sunt, quae habent Athenaeus VIII, 336, e. de comoedia Alexidis ἀσωτοδιδάσκαλος, XI, 496 de fabula Diphili Εὐνοῦχος, Schol. Aristoph. Nub. 579. de Nubium didascaliiis et fortasse etiam quae apud Ptolemaeum Hephaestionem extant ap. Bentl. p. 470. <sup>69)</sup> Id credideris propter singularem supra positi πίναξ τῶν διδασκαλιῶν, sed pluralem in eadem re habet Etym. M. 672. 28. Cf. infra not. 97. Ceterum, nisi vehementer fallor, quas Suidas Callimacho tribuit Τραγωδίας, Κωμωδίας, Σατυρικά Δράματα, Μέλη non sunt nisi tragoediarum, comoediarum, fabularum satyricarum et lyricorum carminum tabulae. <sup>70)</sup> Athen. II, 70, s. ab Callimacho tradit Ἀσίας περιήγησιν ad Hecataeum insulanum (νησιώτην) referri, quam alii Hecataeo Milesio tribuant. <sup>71)</sup> Huc refero, quod de Parmenidis carmine est apud Diogen. Laert. IX, 23, de Eudoxi magistris ap. eundem VIII, 86, de illius magistro et praeceptore ap. Procl. in Platon. Parmenid. quem excitat Bentl. p. 471. <sup>72)</sup> Athen. XV, 669, d.

quis litterarum generibus, suus etiam erat miscellae litteraturae, atque hic est <sup>73)</sup> ὁ τῶν παντοδαπῶν συγγραμμάτων vel <sup>74)</sup> ὁ τῶν παντοδαπῶν πίναξ. In his igitur tabulis de cuiusque scriptoris nomine, aetate, patria, genere, magistris, omni vita, librorum fabularumve inscriptionibus, argumentis, temporibus <sup>75)</sup> breviter disputabatur, ab suppositis germana discernebantur. Si in eo iudicio ferendo Callimachus erravit nonnumquam, si vel vehementer erravit, quis paullo humanior non ignoscet „operi longo obrepsisse summum“, aut non indignabitur Caecilios (nam huius farinae hominibus sua videtur Photius <sup>76)</sup> debere) Callimachum imparem iudicando pronunciantes (ὁ δὲ Καλλίμαχος οὐδ' ἱκανὸς ὦν κρίνειν). Accedit quod, si Callimacho in tragicis quidem comicisque poetis recensendis licuit et publicarum tabularum sive διδασκαλιῶν fidem consulere et summorum hominum, Aristotelis, Theophrasti, Dicaearchi, Aristoxeni, aliorum conferre iudicia <sup>77)</sup> et ad eorum auctoritatem suum dirigere, in oratorum recensu faciendi neminem habuit sibi praeerentem et pleraque omnia ipse primus in examen vocare debuit. — Contra Theocrinem oratio ut inter Demosthenicas referretur, Callimachi <sup>78)</sup> iudicio factum est, quam non esse summi oratoris evincunt quae in ipsa ea oratione contra Demosthenem <sup>79)</sup> dicuntur; rectius eam Dinarcho vindicavit Dionysius; huius utrum an Callimachi sequatur ea in re iudicium, dubius animi haeret Harpocratio <sup>80)</sup>, propensus tamen magis ad Callimachi sententiam <sup>81)</sup>. Orationes adversus Boeotum de nomine et adversus Mantitheum de dote materna nunc inter Demosthenicas leguntur; Dinarcho, cuius non esse temporum ratio docet, Callimachus quoque tribuerit, quem non minus quam Pergamenos grammaticos in Dinarchi orationibus germanis et spuris iudicandis Dionysius Halicarnassensis <sup>82)</sup> vult paullo fuisse negligentior, quamquam, quinam sint οἱ Δημοσθένους ἀφαιρούμενοι τοῦτον τὸν λόγον καὶ Δεινάρχῳ προσάπτοντες, non significat Dionysius <sup>83)</sup>. — Ex deperditis autem Demosthenis orationibus quod adversus Critiam <sup>84)</sup> orationem περὶ τοῦ ἐνεπισκήμματος Callimachus germanam dixit, quam suppositam Dionysius, et pro Satyro <sup>85)</sup> orationem adversus Charidemum quod Dinarcho tribuit, quam alii Demostheni adscripserunt, quis ausit nunc pronunciare, utrum iudicium rectius sit. Neque iniuria reprehenditur <sup>86)</sup> Callimachus, quod Prodicum inter oratores retulit, qui erat inter philosophos referendus; immo largior in Demosthene <sup>87)</sup> et omnino in oratoribus <sup>88)</sup> in tabulas refe-

<sup>73)</sup> Id. XIV, 643, f., funde patet πλακουντοποικὰ συγγράμματα sive varios variorum de placentis commentarios hic esse percensitos. <sup>74)</sup> Id. VI, 244, a. ubi δειπνα ὅσοι ἔγραψαν quotquot scriptores convivia scripserunt ex eo indice excitantur. <sup>75)</sup> Cf. quae excitavi not. 68. <sup>76)</sup> Cod. 265, p. 491, b. cf. not. 85. Caecilium nominavi neque Dionysium Halicarnasense, quod hunc certe in iudicio de fide orationum c. Aristogitonem ferendo maligne vellicavit, quicumque demum est, quem excerpserit Photius

p. 491, a. 32. <sup>77)</sup> De his cf. Meinekeius Quaest. Scen. III. p. 1 sqq. Aristoxeni Τραγῳδοποιοὶ commemorantur Ammonio v. ῥύεσθαι καὶ ἐρύεσθαι. <sup>78)</sup> Dionys. de Dinarch. iudic. p. 653. <sup>79)</sup> Cf. Demosth. p. 1333, 16. 1335, 25. 1336, 9. <sup>80)</sup> v. Θεοκρίνης — ὁ δὲ τὸν κατὰ Θεοκρίνου εἶτε Δημοσθένους εἶτε Δεινάρχου. Hinc intelligitur etiam v. ἀγραφίου cum Taylora et Bekkero scribendum esse διδάσκουσι δὲ τοῦθ' οὕτως ἔχει Δημοσθένους τε ἢ [erat τε καὶ] Δεινάρχου ἐν τῷ κατὰ Θεοκρίνου καὶ Λυκούργου. <sup>81)</sup> Certe v. ἐνδεκάβροντες simpliciter excitat: Δημοσθένους ἐν τῷ κατὰ Θεοκρίνου. <sup>82)</sup> de Dinarch. iudic. p. 630. <sup>83)</sup> Id. ibid. p. 665. <sup>84)</sup> Harpocr. v. ἐνεπίσκημμα — ἔστι δὲ καὶ λόγος τις ἐπιγραφόμενος Δημοσθένους πρὸς Κριτίαν περὶ τοῦ ἐνεπισκήμματος, ὃν Καλλίμαχος μὲν ἀναγράφει ὡς γνήσιον, Διονύσιος δὲ ὡς ἄλικαρνασσεύς ὡς ψευδεπίγραφον. <sup>85)</sup> Phot. cod. 265, p. 491, b. καὶ τὸν ὑπὲρ Σατύρου δὲ λόγον τῆς ἐπιτροπῆς πρὸς Χαρίδημον οἱ μὲν πρὸς τὴν κρίσιν ἔχοντες τὸ ἀσφαλὲς Δημοσθένους λέγουσιν εἶναι, ὁ δὲ Καλλίμαχος, οὐδ' ἱκανὸς ὦν κρίνειν, Δεινάρχου νομίζει, τινὲς δὲ ὑπεβάλοντο αὐτὸν Ἀυσία, καίτοι καὶ τὸν χρόνον ἔχοντες αὐτοῖς διαμαρτόμενον καὶ τὸν τύπον ἅπαντα τῆς ἐργασίας καὶ τὰ πράγματα καὶ τὴν ἐρμηνείαν κ. τ. λ. <sup>86)</sup> Schol. Aristoph. Av. 692. οὐκ ὀρθῶς δὲ Καλλίμαχος ἐν τοῖς ῥήτοσι καταλέγει. <sup>87)</sup> Ad Demosthenicarum orationum tabulam referendum quod est apud Dionysium Halic. de admir. vi dicendi in Demosth. p. 994. ὃν ἐπιγράφει Καλλίμαχος ὑπὲρ Ἀλονήσου. <sup>88)</sup> Memoratur Callimachi iudicium non tantum de Demosthenicarum et Dinarchearum, sed etiam de Lysiacarum orationum titulis ap. Dianys. de Isaeo 6.

rendis non pauca vel praetermisisse vel commisisse Battiadam, sed idem ego nego, eo nomine Caeciliis licuisse Callimachum suspensio naso contemnere. Neque vero hi Callimachi libri etsi toti erant in scriptoribus percensendis, res ipsas videntur neglexisse; immo cum legum tabulae (νόμων πίνακες) diserte excitentur<sup>89</sup>), quibuscum „instituta Barbarica“ (νόμματα βαρβαρικά) Suidae<sup>90</sup>) commemorata arctius cohaeserint, atque de avibus<sup>91</sup>) commentarium ut his tabulis infuisse credamus propria quaedam<sup>92</sup>) ratio suadeat, ἐθνικά autem ὀνομασίου<sup>93</sup>), sive „de rerum nominibus apud populos civitatesque alias aliis“, „Mirabilia“ (θαυμάσια), „de certaminibus“ (περὶ ἀγώνων) et „de fluminibus“<sup>94</sup>) libri ab iisdem tabulis non abhorreant, non inepte coniecisse mihi videor, si parte quaedam Callimachei operis quoddam quasi ὀνομαστικόν<sup>95</sup>) relatum esse censeam.

Tam late diffusa doctrinae spatia unus emensus est Callimachus. Huius aequales Alexander Aetolus, cum solas tragoedias, et Lycophro Chalcidensis, cum solas comoedias in unum colligendas et iusto ordine disponendas sibi sumerent<sup>96</sup>), poterant hi suum spatium, breve illud, etiam aliquanto curiosius et diligentius perlustrare. Neque magis mirum, quod Aristophanes Byzantius, Callimachi, Eratosthenis et Zenodoti discipulus, Philopatore et Philometore regnantibus clarus, quem bibliothecae Alexandrinae post Apollonium videri praefuisse supra dictum est, in iis quae πρὸς τοὺς Καλλιμάχου πίνακας<sup>97</sup>), id est aut „adversus C. tabulas“ aut „commentarii causa in C. tabulas“, scripsit, quaedam ab hoc vel commissa correxit, vel omissa addidit. Atque hi Aristophanis commentarii ne ad omnes quidem Callimachi tabulas videntur pertinuisse, sed fortasse uno Platone<sup>98</sup>)

p. 594, ubi pro τοῦτον ἐπιγράφει τὸν λόγον Καλλιμάχος περὶ Φερενίκου ὑπὲρ τοῦ Ἀνδροκλείδου κλήρον noli dubitare quin sit cum Taylora scribendum: ὑπὲρ Φερεν. περὶ τοῦ Ἀ. κ. <sup>89</sup>) Athen. XIII, 585. Ἀνέγραψε δ' αὐτὸν ὁ Καλλιμάχος ἐν τῷ τρίτῳ πίνακι τῶν νόμων, καὶ ἀρχὴν αὐτοῦ τήνδε παρέθετο κ. τ. λ. Ex hoc loco patet leges non serias tantum rerum publicarum sed fictas quoque philosophorum et lepidas convivorum illis in tabulis locum habuisse. <sup>90</sup>) v. Φασηλιτῶν θῦμα. <sup>91</sup>) Unus Athenaeus semel περὶ ὀρνέων appellat (IX, 388, d.), tribus aliis locis cum scriptoribus reliquis omnibus περὶ ὀρνέων dicit. <sup>92</sup>) Movit me vocabulum ἀναγράφειν, quo utitur Schol. Aristoph. Av. 305. ὁ δὲ ἑλεῖς μήποτε ἑλεῖας ἔστιν ἐν τοῖς Καλλιμάχου ἀναγραφόμενος (sic enim cum Bastio scribendum). 306. ἐν τοῖς Καλλιμάχου ἀναγράφεται κέβλη. 765. Καλλιμάχος οὐκ ἀναγράφει τὸν πάππον. 883. ἡ γὰρ βάσκα καὶ καταρδάκται εἰσι παρὰ Καλλιμάχῳ ἀναγεγραμμένοι. 1181. τὴν κύμινδιν οὐκ ἀνέγραψεν ὁ Καλλιμάχος. <sup>93</sup>) Cum his, ni fallor, κτίσεις νήσων καὶ πόλεων καὶ μετονομασίαι Suidae, περὶ μετονομασίας ἰχθύων eidem, μηνῶν προσηγορίαι κατὰ ἔθνος καὶ πόλεις eidem excitatae ita cohaerebant, ut praemissas singularum insularum et urbium origines exciperent nomina aliquot rerum illustrium, veluti mensium, piscium, apud Graecos aliarum civitatum alia. <sup>94</sup>) περὶ τῶν ἐν τῇ οἰκουμένῃ ποταμῶν, cuius partes fuerint περὶ τῶν ἐν Εὐρώπῃ, περὶ τῶν κατ' Ἀσίαν ποταμῶν. <sup>95</sup>) De Onomasticorum forma et indole disputavi in Erschii et Gruberi Encycl. Art. III, 4, p. 6 sq. <sup>96</sup>) Cf. Meinek. Qu. Sc. III, p. 3. sq. <sup>97</sup>) De his Aristophanis commentariis quae egregia ad me perscripsit Godofr. Bernhardyus, collega coniunctissimus, si nunc publici iuris facio, gratiam non medio-crem spero ab lectoribus me esse initurum. „Constat Aristophanem Byzantium commentarios in Callimachi Pinaces reliquisse (v. Athen. IX. p. 408. F. coll. VIII. p. 336. E.), id est, indices litteratos ab illo conscriptos paulo copiosius variisque accessionibus locupletasse. Hinc facillima patet via ad locum Etymol. M. v. Πίναξ resarciendum: ὁ οὖν Καλλιμάχος ὁ γραμματικὸς ἐποίησε πίνακας, ἐν οἷς ἦσαν αἱ ἀναγραφαὶ παρὰ τῶν ἀρχαίων. οἷς ἐντυχῶν ὁ γραμματικὸς ἐποίησεν τὰς ὑποθέσεις τῶν δραμάτων. Haud temere verba mendosa sic mihi visus sum redintegrasse: — ἐν οἷς ἦσαν ἀναγραφαὶ ποιητῶν ἀρχαίων. οἷς ἐντυχῶν Ἀριστοφάνης ὁ γραμματικὸς κ. τ. λ. Quis autem ignorat pervagatissima illa Argumenta, quae fabulis poetarum scenicarum sub Aristophanis praescriptione solent adiungi, saeculis quidem illa Byzantinorum hominum fabricata, sed ab vetustis fontibus ducta.“ Haec Bernhardyus, quorum postrema videntur spectare ad aliquot argumenta prosa oratione perscripta, veluti quae Euripidis Medae et Bacchabus praeposita sunt; nam iambica, quae Sophoclis Philocteta et Oedipus Rex, quae Aristophanis Acharnenses, Equites, Aves, Ecclesiazusae et Plutus addita habent, quorum formam referunt etiam argumenta Nubibus et Lysistratae sine nominis praescriptione adiecta, videntur germana ipsius Aristophanis neque ullam a Byzantinis hominibus passa esse mutationem. <sup>98</sup>) Diogen. Laert. III, 61. <sup>99</sup>) Wolf. Prolegom. in Hom. 216. Boeckh.



excepto solas poetarum comprehendisse; certe oratorum nomine neque Aristophani neque Aristophaneis usquam denunciatur testimonium; poetarum autem cum Hesiodi et Lyricorum carmina diserneret, germana ab spuris discerneret, verba recenseret et metricis colis distingueret, tum scenicorum potissimum fabulas accuratius est perscrutatus<sup>99</sup>). Aristophanis et Chrysippi Stoici discipulus, magnus Aristarchus, qui origine Samothrax ab Alexandrinis civitate donatus sub Ptolemaeo VI Philometore floruit Olymp. CLVI, non magis quam Aristarchi discipuli, quamquam ex hoc ludo quadraginta grammatici<sup>100</sup>) profecti dicuntur, in oratorum *censura* quidquam praestitisse videntur<sup>101</sup>). Namque Suidas sane cum Cratete multum contendisse Aristarchum auctor est; sed eas contentiones patuisse etiam ad indices scriptorum litteratos<sup>102</sup>) cur credamus, nulla idonea ratio est. Didymus autem Alexandrinus, *χαλκέντερος*, Aristarcheus, de quo in proxima commentatione dicetur, commentarios quidem in oratores scripsit, de spuris et genuinis non iudicavit. Magna vero auctoritate erant Pergamenae tabulae<sup>103</sup>) (*οἱ Περγαμηνοὶ πίνακες*) ab grammaticis Pergamenis factae<sup>104</sup>), quae ut erant aetate posteriores ita etiam superioribus videntur diligentiores vel certe ampliores fuisse<sup>105</sup>). Quibus potissimum Pergamenorum grammaticorum acceptae referendae sint, nemo narravit diserte, verissime tamen *F. A. Wolfius*<sup>106</sup>) ad Cratetem Mallotam eiusque scholam retulit. Ille enim, quem inter secundum tertiumque Punicum bellum Attalus legatum Romam misit, a quo primo graeca grammaticorum doctrina ad Romanos pervenit, non Homericorum tantum carminum recensione est nobilitatus, idque adeo ut Homericum inde et critici cognomen referret, sed uti Aristarchus, quocum perpetuam exercebat et acerrimam contentionem, sectam sive scholam condidit Pergami, claram discipulis, qui *Κρατήτειοι* a magistro suo dicebantur, quorum nomina aliquot Wolfius habet. Fortasse praeter ipsum Cratetem Artemon<sup>107</sup>), Asclepiades Marilianus<sup>108</sup>), Athenodorus Solensis Stoicus<sup>109</sup>), Carystius Pergamenus<sup>110</sup>), Demetrius

praeef. in Pind. schol. p. XII. sq. <sup>100</sup>) Inter eos fuerunt Ammonius Alexandrinus, qui Aristarcho praeceptor in schola Alexandrina successit (*Boeckh. Praef. in schol. Pind. p. XIV.*), Aper qui Romae docuit et Didymum frequenter perstrinxit Augusti temporibus (*Suid. v. Ἡρακλείδης*), Apollodorus Atheniensis, Aristodemus Alexandrinus (*Schol. Pind. N. VII, 1. Boeckh. l. c. p. XIV.*), Demetrius Adramyttenus cognomine Ixion, Dicearchus Lacedaemonius (*Suid. s. v.*), Menecrates, Pamphilus, Satyrus cui cognomen erat Ζῆτα (*Phot. bibl. cod. 190. p. 151, b. 22.*), fortasse etiam Menander, Aristis et Mnaseas (nam *Suid. v. Ἐρατοσθένης* duplicem patitur interpretationem). — Ceterum de forma *Καλλιμάχειοι* (s. *Καλλιμάχοι*), *Ζηνοδότριοι*, *Αριστοφάνριοι*, *Αριστάρχριοι*, *Κρατήτειοι* et similibus cf. post *Lobeckium* etiam *Lozynski* de *Hermippo* p. 6. <sup>101</sup>) Fuerunt, qui cui *Hellanico* Plutarchus, Pseudo-Plutarchus et Suidas in maioribus Andocidis oratoris referendis testimonium denunciant, grammaticum crederent esse eum, qui Agathocle, Zenodoti discipulo, usus praeceptore, ab Ptolemaeo Epitheta, adversario Aristarchi, constanter auditus esset (*Suid. v. Πτολεμ. Fabric. bibl. Gr. VII. p. 62.*), sed falluntur; nam Lesbii rerum auctor in Attide non oratoris quidem Andocidis sed maiorum eius posuit memoriam. <sup>102</sup>) In ea sententia est *Bernhardus* ad *Suid. v. Ἀριστάρχ.* <sup>103</sup>) *Dionys. Halic. de Dinarch. p. 661. οὗτος* (sc. ὁ λόγος) *ἐν τοῖς Περγαμηνοῖς πίναξι φέρεται ὡς Καλλιμάχους*. Subiungit Dionysius nescire se Callicratidisne sit, cuius nullam praeterea aliam viderit orationem, sed illud sibi constare, multum eam ab Dinarchi indole distare, cui tributa sit vulgo. <sup>104</sup>) *Id. ibid. p. 630. οὔτε Καλλιμάχον οὔτε τοὺς ἐκ Περγάμου γραμματικούς περὶ αὐτοῦ γράψαντας.* <sup>105</sup>) *Athen. VIII, 336, e. οὔτε γὰρ Καλλιμάχος οὔτε Ἀριστοφάνης αὐτὸ ἀνέγραψαν ἀλλ' οὐδὲ οἱ τὰς ἐν Περγᾷ ἀναγραφὰς ποιησάμενοι.* <sup>106</sup>) *Prolegom. p. 276.* <sup>107</sup>) *Ἀρτέμων ὁ ἀπὸ Περγάμου Schol. Pind. O. II, 16. Vossius de hist. graec. p. 335. Boeckh. praef. in schol. p. XIII.* <sup>108</sup>) Haec scribenti mihi non ad manus fuit *Werferi* de Asclepiadis disputatio in *Act. Phil. Monac. II, 491 sqq.* <sup>109</sup>) Ab hoc Zenonis auditore (*Diogen. Laert. VII, 38.*) narrat Isidorus, rhetor Pergamenus (ap. *Diog. VIII, 34*), cum bibliotheca Pergamena ipsius fidei mandata esset, abscissa esse ex libris τὰ κακῶς λεγόμενα τοῖς στωικοῖς quae non recte dixissent Stoici, fraude autem deprehensa rursus inserta esse. <sup>110</sup>) *Is περὶ διδασκαλιῶν scripsit cf. Athen. VI, 235, e.* <sup>111</sup>) Cratetis et Aristarchi auditor. *Boeckh. l. c. p. XXII.*



Scopsius<sup>111</sup>), Democritus Pergamenus, Herodicus<sup>112</sup>), Cornelius Alexander<sup>113</sup>) polyhistor, Tauriscus<sup>114</sup>) in illarum tabularum conficiendarum societatem vocati erant. —

Praeter Callimacheos et Pergamenos *πινάκας* fuerintne alii quoque oratorum, an verbis *οἱ τοὺς ἑπτακκοὺς πινάκας συντάξαντες*, quibus quidem utitur Halicarnasseus Dionysius<sup>115</sup>), illi ipsi significantur, nescio.

Atque haec quidem hactenus; nam Polemonem, Hypsicratem, Antigonum Carystium, quos inter *τοὺς περὶ πινάκων γράμματα* Diogenes commemorat Laertius (VIII, 188.), pictorum non librorum tabulas enarrasse, satis nunc constat; quae autem ab vitarum scriptoribus, praecipue Hermippo Smyrnaeo Callimachio (cf. *Harpocr.* v. *Εὐθίας* et argum. in Isocrat. orat. ad Philipp.), ab Demetrio Magnesio in doctissimo libro de homonymis sive de illustribus viris eodem nomine nuncupatis (*Dionys. Hal.* de Dinarch. iud. p. 632.), quae Augusti temporibus ab Caecilio Calactino et Dionysio Halicarnasseo, quae a Paulo Mysio ad germanas orationes ab suppositiciis discernendas praestita sunt, charta exclusi in aliam opportunitatem differimus.

Vos vero, generosi iuvenes, admonemus, ad bonarum artium mercaturam profectis turpissimum esse inanes redire; turpe non nisi iis rebus impleri, quibus panis quaeritur et victus, vita autem non redditur liberalis. Denique date operam, ut ne *δοξαστοὶ ἀντὶ σοφῶν* reperiāmini. Valete.

P. P. in studio generali Halan. Idib. Febr. MDCCCXXXVI.

<sup>111</sup>) Wolf. l. c. p. 277.  
et Aristot. p. 725.

<sup>112</sup>) Suid. s. v.

<sup>113</sup>) Sext. Empir. adv. Gr. I. 12.

<sup>114</sup>) de Demosth.